



宋史本傳

彭汝礪字器資饒州鄱陽人治平二年舉進士第一歷



保信軍推官武安軍掌書記彭州軍士推官王安石見其詩義補國子直講改大理寺丞擢太子中允既而恩之御史中丞鄧綰將舉為御史召之不往既上章復以失舉自列神宗怒逐綰用汝礪為監察御史裏行首陳十事一正已二任人三守令四理財五養民六振救七興事八變法九青苗十鹽事指撻利害多人所難言者又論呂嘉問市易聚斂非法當罷俞允諂中人王中正

至使妻拜之不當檢正中書五房事神宗為罷充詰其
語所從汝礪曰如此非所以廣聰明也卒不奉詔及中
正與李憲主西師汝礪言不當以兵付中人因及漢唐
禍亂之事神宗不懌語折之汝礪共立不動伺間復言
神宗為改容在廷者皆嘆服宗室以女賣婚民間有司
奏罷之汝礪言此雖疏屬皆天家子孫不可使閭閻之
賤得以貨取願更著婚法元豐初以館閣校勘為江西
轉運判官陞辭復言今不患無將順之臣患無諫諍之
臣不患無敢為之臣患無敢言之臣神宗嘉其忠蓋代

還提點京西刑獄元祐二年召為起居舍人時相問新
舊之政對曰政無彼此一于是而已今所更大者取士
及差役法行之而士民皆病未見其可踰年遷中書舍
人賜金紫詞命雅正有古人風其論詩賦回河事尤力
大臣有持平者頗相左右一時進取者病之欲排去其
類未有以發會知漢陽軍吳處厚得蔡確安州詩上之
傳會解釋以為怨謗諫官交章請治之又造為危言以
激怒宣仁后欲寘之法汝礪曰此羅織之漸也數以白
執政不能救遂上疏論列不聽方居家待罪得確謫命

除目草詞曰我不出誰任其責者即入省封還除目辨
論愈功諫官指汝礪為朋黨宣仁后曰汝礪豈黨確者
亦為朝廷論事爾及確貶新州又頃汝礪草詞遂落職
知徐州初汝礪在臺時論呂嘉問事與確異趣徙外十
年確為有力後治嘉問它獄以不阿執政坐奪二官至
是又為確得罪人以此益賢之加集賢殿修撰入權兵
刑二部侍郎有獄當貸執政以特旨殺之汝礪持不下
執政怒罰其屬汝礪言制書有不便許奏論法也屬又
何罪遂自劾請去章四上詔免屬罰徙汝礪禮部真拜

吏部侍郎哲宗躬聽斷脩熙寧元豐政事人皆爭獻所
聞汝礪獨無達白或問之荅曰在前日則無敢言於今
則人不能言之矣進權吏部尚書言者謂嘗附會劉贄
以寶文閣直學士知成都府未行章數上又降待制知
江州將行哲宗問所欲言對曰陛下今所復者其政不
能無是非其人不能無賢否政惟其是則無不善人惟
其賢則無不得矣至郡數月而病去其遺表略云土地
已有餘願撫以仁財用非不饒願節以禮佞人初若可
悅而其患在後忠言初若可惡而其利甚博至於恤河

北流移察江南水旱凡數百言朝廷方以樞密都丞旨命之而已卒乃以告賜其家年五十四汝礪讀書為文志於大者言動取舍必合於義與人交必盡其誠敬无子為立後官之少時師事桐廬倪天隱既死并其母妻葬之且衣食其女同年生宗渙死經理其後不啻如子所著易義詩義詩文凡五十卷弟汝霖汝方

鄱陽先生詩集卷之一

古詩

忠孝圖 并序

燕滁州雍為忠孝圖以遺肥守宗公選公曰此皆古人大節吾昔聞之矣傳於編簡之紛不如見諸繪畫之昭目視心惟可以動蕩人之志氣以施之事業滁州之圖蓋不為小補俾某圖之學宮千乘先生倪天隱為之序深悼後世之臣子蹈邪趨惡負固極

彭汝礪器資



之恩而不知報圖成其與諸生顧

而言

曰君臣之義父子之愛出天性之自然至於義窮愛弛而甘心亂賊之名情奪之也嗚呼今為子而思其所以生育為臣而思其所以安榮推而極之則古人之心可以坐詔禽獸或之有養奴僕有為其主死者况于士耶子曰未之思爾夫何遠之有

君親等乾坤恩義俱固極浮生一毫髮盡出覆載力我思古之人節義有遺則以身託萬事糜殞終無晉名聲落編簡不與日月蝕世薄道亦微綱常墮荆棘想像不

可追徘徊意悽惻燕鄉真士雄繪素見顏色謀惟隱深思摩揣窮多識金朱寵純懿斧鉞誅姦慝欲將春秋法轉徙示九域肥陵泮宮庭收拾在四壁千年土中身精神回翰墨崢嶸列星辰怒奴隸生嘆息已死疑可求款語嗟復默清風凜冰霜直氣森劍戟富貴喜圖畫蓄聚窮千億丹青彼雖工龜鑒吾自得願言同此心論世師威德當使忠孝風自家刑邦國

宿萬孝家并序

唐萬敬儒肥陵人其家同居數世親死廬墓不歸刺

指寫佛經數百卷太守盧潘表之有詔旌其門遠今
不廢其比因按田與縣令俞君玉宿其家觀迹而思
其人相與咨嗟歎息問其聚居曰二千指自敬儒及
今二十世矣夫事久而不變物聚而不散非誠於義
者不能如是為詩美之因以為勸焉

昔人回車勝母閭今吾枉步孝子家天寒日暮林谷暗
回旋道路甘泥沙高臺隆々起門戶松檜夾逕清陰斜
縣官抱燭讀碑字夜闌相視生咨嗟今我為詩語萬氏
萬事成難敗之易爾家承々今幾年勉旃無為先世累

七門堰并序

予為合肥職官始按事龍舒出邑之西北門觀所謂
烏陽墻牘七門三堰問耆老求疏治之始漠然無能
知者蓋其所從來遠矣晚得劉放貢父所為廟碑迺
知始于羨顏侯劉仲而劉馥實繼之因自嘆曰古人
之所為迺能如此劉仲遭際幸會以得爵位傳所言
惟力於耕產耳馥誠奇士然亦無他稱道而其規畫
已足以休福元々于無窮後世議論太高而止其實
視民事藐然矣萬一有為則利常不勝其弊而民卒

窮困以死而不救也嗟夫

古人材大心亦公憂樂每與天下同謀功慮事不草
欲與天地為無窮我來舒城道三堰行看利入東南徧
漁樵處樂太平稻梁歲收餘羨江淮早滂相綴聯
舒城獨自為豐年人知今日樂其土不知古人為爾天
二劉未必真奇偉謀慮及民迥如此俗儒文多實已止
洋大論言義皇心欲為功害輒勝醫庸未足平膏肓
紛予亦何為者愛古傷今空涕泗題詩倚立寄西風
不知材力非騷雅

金星現行

星出雲之端石在溪之潯天上地下相絕幾百千萬里
現中安得有星點明如金既非瑕掩瑜又似微在琴
我疑星之飛流運動或不居精采誤落點流深不然神
靈憫惻學士久濡滯故借光景資清吟或有感此理者
默難推尋君不見魏山之石圓有挂在中象圓月又
不見廬江之石扶疎有木相摶為寒林無重言但置寒
窻筆札往古研于今大劉無睢至明無陰君也能
如此是真金現之知音

選仙圖

自昔黃老言無為謬說汗漫為神仙古人力探源未塞
今吾復用根尤堅仙經自是物外來畫圖誰向人間傳
碧油堂印始等差洞天福地分後先勢窮或滯艷都幽
彩勝即上崑崙顛得失無端見掌握勝負有勢生回旋
終朝相視何為哉萬事不齊俱偶然物雖無庸意甚遠
為子探取題詩篇

李鄉惠太平州學記

李侯昔也治當塗作學以遺當塗民謠言散落在樵牧

事跡收拾歸瑤珉高文大字比珠玉長與後世為奇珍

我固^因李侯念往初黨庠遂序明人倫井田變更萬事廢

士林泣血悲狐秦今人思慮到本原願見風俗終還醇

嘗聞君子天下志一視萬物無疎親侯來吾邦嗣其兄

愛惜不後當塗人即視學宮動風采復尊師席尸陶鈞

道路尚思前邵父閭閻敢忘小馮君

瓦鼓

客遊南昌歸，我四瓦鼓

瓦鼓自新建渾完自甄治質
今仲文得之

朴排罌甌觸之散遺聲往，中商羽聲來殆天得不用

詢有瞽野心愛不徹取之置林宇竹梢奏清風似喜佳
物伍岸巾策筇杖共尔蠲毒暑世浮見此拙坐覺幽興
聚丹楹惜異時蕢桴想淳古君年比余少能亦珍此否

寄佛印禪師

遣怒持書問雲居我今持節行羗廬請服磨衲大牛車
來飯香積及雕胡舍施琥珀及珊瑚滄海徑寸之明珠
師應問我今何如謂方據案治文書較量貴賤調盈虛
擒取猾吏如捕狐夜涼飲酒一百壺醉視萬物渾錙銖
雲居若言大麕踈謂我寄聲謝云吁

去年行建昌作詩招雲居元禪師近過南康不見
用前韵馳寄

雕金間壁雲中居臥龍更有文公廬門前不設羊牛車
誰將虎鬚跋狼胡寶林環繞千珊瑚中間一點摩尼珠
遊戲樂說心如了諸方傳錄為奇書愛師談實非空虛
生決定信無疑狐素裏洞徹如水壺輕重已自分錙銖
咫尺祇恨相逢踈各自有口能無吁禪師和予詩云有
口吃飯誰能吁

答趙溫父見謝茶甌韻

我昔曾涉昌江濱故人指觀陶釣龐眉老匠矜捷手為

我百轉雕輿輪鑄頑刻畫走風雨須臾萬態增鮮新盤
龍飛鳳滿日月細花密葉生瑤珉輕浮兒女愛奇屈舟
浮輦運傾金銀我孟不野亦不文渾然美朴含天真光
沉未入世人愛德潔誠為天下珍竭來東江欲學古喜
聽英傑叅吾倫謹持清白與子共敢因泥土邀仁恩空
言見復非所欲再拜謝子之慇懃我

雪夜飲分題得雪字

顛風夜號花木折平明堦前三尺雪誰家羌笛落早梅
中夜南樓對明月苦寒侵人毛髮縮獸之夜飲腸內熟

公才奔放欲萬里應恨低徊受羈紲一巢安穩身自在
生涯却羨鳩鳩拙人生所值俱所樂萬事悠之無可說
偶有名酒須盡醉之輒題詩如靖節君不見萬卒征南
凱未旋戎衣雖厚冷如鐵

和深之飲字

窮陰方欲歸故之作凝凜乾坤幾日雪晝作宵還甚寒
威鎮氛沴和氣生豐稔君子有酒食啖徒亦豪飲齏鹽
本我味啖此已多品芬芳臭如蘭爛熳文似錦夜闌燭
花低更轉鳥聲噤私飲樂已湛情話言尤審鴛才負荷

重終夕無安寢樓鐘幾聲輾轉屢欲枕

和直父夜字

雪輕不自持風急更相借仙人集蓬島鳴鶴雲中下飛
騰障空虛細碎穿罅光明入幽室晃耀不知夜苦寒為
公飲酒盡解貂賁盤蔬起鄉思披綿間鵝鮓浮生夙何
緣今昔同官舍才調稍迫促每羨公優暇草玄入幽微
曾不解嘲罵文衡委輕重事亦宗伯亞我愚實非稱得
友還自說兩驂萬里心雙壁連城價塵土難淹留雲霄
看高跨隙

和執中遊山四詩

谷隱寺二首

谷隱多牡丹一花百千葉一根出一切一切一根攝愛
君看花處立悟恒沙劫其誰知此意祇有花間蝶
樓閣倚天外鐘梵落人間俗客有時去野僧長日閑白
雲何所往飛鳥未能還一往輒一嘆令人惟厚顏

峴山

甘棠如衆木峴首如衆山燕人愛召公去不忍攀襄
陽思叔子墮淚濕孱顏至今山外溪日夜波瀾翻如公

章貢祠宜在之子間執中治虔郡立生祠

高陽池

三年南雍居十五一作至高陽魚池鳥如故人相忘不相疑但持青蓮葉不倒白接羅我與之子遊何似山公時

內鄉山中二首

野人住山中不見山色好我行久塵土窺覽慙懷抱禹稷不乏人翻為憶商皓使我有以食甘于此山老靜喧豈殊途能靜理亦好所以見山色愛之置懷抱攬鏡照鬚髮已如霜雪皓吾方與神遊未肯塵土老

寄葉法曹

參軍琢玉為天性靈臺一點秋江靜少年勤苦取富貴不知勤苦今為病世人喜邪疾中正愛君與物終無競圍碁坐爭百局勝離弓力挽六鈞勁碁子勞神弓力硬此圖養疾佛非令作詩勸君今勿更詩書自足資游泳奧室重簾瑣幽迳我不見君心柄三疾病勿憂有天命愷悌君子神之慶

送皇甫法曹

始予來肥陵問士得皇甫皇甫子仁經年在閭巷不肯

出公府罇俎獻酬間為之賦翹楚今上襄陽官拙詩愧
兼取襄陽真名匾碑碣字多古能因東南風取以寄予
不

寄友人

漢上近多雨江頭應好風想君當此時掛席隨孤鴻翔
龍駭大浪盡鷁凌長空男子四方志生時射桑蓬爾來
何遲吾憂抵冲安得百頃田稍隣五老峯蚤賦歸
去來同為採芝翁

和君時弟見貽

息短非不足鶴長非有餘太山遠毫芒其理同一如君
才乃驛驢行矣無知躡萬里不加鞭日力復有舒豈如
老駝馬寸進徒渠低頭戀短豆時復仰天嗔徊徨槽
捩間不用論智愚惟中可以休吾與子歸與

送范侍郎歸許昌

鳳鳴嗒其羽儀其集伊何梧桐之枝鴻飛冥其
翼差其止伊何清冷之池朝廷于公夫豈不知國有
大疑爰度爰咨公雖家居如在廟堂國之大經論討靡
忘公在仁宗時數論尺度是非去年朝廷修徐公車
樂公亦預議合雖家居然討論猶不廢

在汴之郊薄言追之以永今朝
沈公舟在河之陰薄言維之以
慰吾心公賜吾言我斯藏之何以
報之羔羊素絲秉德不遺公飲吾
酒我斯酬之何以祝之秀髮龐眉
愛福無期

讀史

姜敬脫輓輅獨建金城安韓信
羈出旅邊上將軍壇謀出萬乘
驚名飛百夫嘆丈夫松桂資直氣
虹霓蟠得時樹功業未謝姜與韓

管仲有老母

王陽為孝子王尊未能非管仲
有老母鮑叔獨能知同途不同行
亦各有所思今或有斯人執鞭我
不辭

暴雨

雲如驚瀾如潑墨萬竅怒號四山
黑電母搖睛嚇風伯疾雷怒張坤
軸側雨如河傾如雨石上山下山
泉動脈石漂木拔崖裂折高原立
脚成大澤古寺顛前後崗逼瓦腐
椽折破無壁泥佛露頭水浸一作
臆苔錢藤蔓生金碧背堂衆流如
箭激挾氣即欲接閑隙衣製脚芒
看溝洫有惻然徒老荆棘荷戈與
戈甲不釋中文愁唇盡

艱食我今乃敢求安席閭閻人家水沒極壯夫浮汨老
者溺高占鳥巢據援扶可憐欲走無羽翮我起熟視惟
嘆息斷蘂棲苴在簷額雞飛犬跳上屋脊蛟螭睥睨迷
所宅乾坤歆晴但傾刻廣庭泥深猶數尺大浪如銀沸
阡陌萬馬相踉蹌相擊窮民欲炊無釜鬲蚯蚓在堂魚
在闕兒童捕魚不知戚溪南不能過北跬步如越與胡
隔溺者漫汗一作不見踪跡東村西村哭聲塞手援不能
浹沾臆掩鼻雖欲終何益天理嗟嗟香難測惴獨無辜
不受惜葬填溪魚瘞少磔乃能屈折容盜賊鑿險開深

聽藏匿不以血管膏鋒鏑皇天無情禍福直昔也昭
今惑之我歌且謠寫悲惻竹林一夜生秋色溪

和執中游山

峩峩楚山前屹屹樊堞後汗漫清漢左蜿蜒大堤右雷
霆沸波瀾龍虎臥崗阜春風無偏陂潤澤到藜藿日月
有底急急之似奔走樂哉城南遊矧復得智叟橫踰路
東頭縱踏山北口逶迤陟嶽峯莽蒼度林藪巍亭立青
冥隱几見十部崖石險欲落參差露妍醜沉深開鏡閣
闕穴得園白尚或埋泥塗誰能斬薪樵度同論主法海

惟我沈禪閑與君叩清泉給醍醐一飲失塵垢丹鳳香
不來瞻想更搔回一作首潭谷中寺花木照堂均樓閣
寄岩峩欹危貼星斗白雲雜香霧終日在戶牖有沼早
不枯金蓮豈凡藕不見白馬至似聞蒼龍吼一作豐
年惟愉遠雞狗說車高陽池遺事問黃耆嘆息當五士
所懷自非苟方醉白接羅寧貴朱組綬拭目墮淚碑徘徊
回想忠厚河內借寇恂南陽祠杜母彼惟一純誠名等
天地久愛君所志遠克舜望高后談徑破小辨獨自持
綱紐德愛在章貢甘棠不枯朽執中治度遭五迴久荆楚

白髮嗟未偶軒昂更自拔怵惕匪人咎寧甘凍餓死不
一變厥守吾惟人世間所遇皆所授生死等夢幻可能
誦然否譬猶二人奕日夜競勝負紛三置黑白畢竟一
何有但願山下水盡作杯中酒時三與君醉獨與造化
友忠臣不怠君不問在歆三畝

次韵克民同年

飛雪鱸長鯨浮蛆撥新酒故人
不我過絕壁頻回首北
崗無斷絕參醋紛燕豆觸目事
斬新愴懷治平舊龍飛
第一榜四百如蘭友勁氣沮金石
高文爛星斗我衰也

久矣彫落幾無有未去真厚顏欲歸猶掣肘盤根發餘
又想見敏捷手江河被郭郭雲霧生戶牖顧瞻良集易
嘆息幽期後凝到詩輒成吾窮久箱口

荅同舍遊祥池

仙宮神靈之所宅樓閣倚天一千尺先生好遊猶挾冊
藜莧不慙我鼎食凝祥池頭三月春腰金騎犍多貴人
天邊五岳烟霞閣海上三山雨露新蛺蝶能飛燕能舞
鳳凰雲在鴻在渚仙人參鸞入雲霧寂之不聞青鳥語
洞天落晚日沉了漁舟縹緲桃源深紅玉坐看花著子

青雲行見葉成陰疾雷怒飛風雨急瘦馬不行蹄泥濕
接間一日須一來歲時變化猶呼吸

栽竹

一生正能着幾屐曠達人稱阮遙集何可一日無此君
風流我愛王參軍夏葛冬裘我便足由來世間無可欲
但栽翠竹滿東林我日對之歌且吟

送君宜之臨城簿三首

人之與萬物異名而同體貴賤何以殊知與不知爾知
之莫如學一本云貴賤曷以分知與無知耳謂人學莫
或無知亦物而已矣故知之莫若學

如修己汝學自有得願言惟不已一作自到不須終
到由中止請觀為田者日夜一作服耒耜久之田自熟
其入須倍蓰至於耕耘廢狼莠敗糜芑常時不用力奮
獲終無幾予與尔知田肆言聊及此
事賢如事親敬長如敬兄讀書如喫飯近欲如近兵百
事搃欲是一言不可輕汝能慎于初更欲觀厥成
仲弓舍予南汝今復北去南北牽我夢終夕無定處但
寄兩眼淚為君衣上露會知老者心從爾無早暮

送范侍郎慶州得以字即

池水日夜流日行無停軌人生道路長擾三還如此莫
辭飲我醉酒盡君且起贈君雙寶劍有言慙近俚聖人
之于物愛視猶一子一作視之顧復愁不至不知分此
爾誰難較尋尺竟未知所以夷外當反內刮毛須及裏
邊垂今無事自可緩帶理願君宏遠業赫三光祖禰

送穎叔帥臨兆

風如疾雷電如茅積雪如丘壑道路將候車馳挽不住
見說西人復嘯聚目視山陰欲飛去將侯文如江海注
一決萬里無盡處落筆在紙成雲霧氣吞雲夢八九教

力轉丘山縛螭虎終日咲言公不怒三軍號令成樽俎
羌戎膽落汗流沂邊人乃至歌五袴昔誇禁中得頗牧
今見南陽稱召杜前席宣室疑已暮勒功燕然無可慕
歸來遍作人間雨杖杜吾當為君賦

舟中大熱夜半起坐因作是詩寄諸友

星晨與天旋河漢入地流其行雖不同晝夜不自休彼
能致其誠豈不至誠由如何尔為士乃不疆厥修功不
償其食不如馬與牛金朱豈不寵頤視祇可羞誰謂古
之人乃無一可憂何以圖厥終尚惟友之求

彥衡約飲湖亭行不及赴

主人款留客其意良已厚行人念行後奔命惟恐後張
帆半夜起撇若驚蓬走盈水水中蓮鬱堤上柳相別
不見見已行更回首人生如朝露理固無可久可為惟
為德萬一或不朽行也死後已庶猶無大咎君恩不勝
報聊一報我友

宗履中示月桂佳篇并聖俞詩因賦四韻

古人種花昔已老後人種花今更好聽詩令人飢頓飽
嘆人古人不可到庭中花落君勿掃醉飲全勝藉幽草

白髮不嫌花髻帽寄聲我友車先膏

再用前韵書呈諸友學士

凡花朝開幕即老仙挂春花秋更好幽砌終年看不飽
洞門無日春不到玉樽一挹把筆掃立脚詩成不立草
醉倒淋漓應落帽月明冠濕雲如膏

察院學士灸熯連日戲作鄙句

截艾作灶大如椽三日徹夜燒丹田心腹生火口生煙
皮毛潤澤骨骼堅舍仗趨先脚輕儼赫如渥丹顏色鮮
五十六歲如少年顧我一生百迤邐病多未老先華顛

欲灸自量無罪愆一切久矣付諸緣三月人家花欲燃
陽春水色碧于天更欲載公清翰舩喚取佳人舞繡筵
一飲一斗醉不眠不怕在人咲逃禪火中自會生經蓮
作詩問公奚若旃肌肉忍自投戈鉞邇顧厥後勒著鞭
萬事悉置心超然衣食不須求永鉉公名已自列諸仙

再用前韵呈察院學士

真人養真如養源道士耕道如耕田吐納日月踏雲烟
牢如金石齒牙堅捷如猿猱身體儼沐浴霧露甚滌鮮
受命一萬有千年既安且樂無迴還後人好惡紛倒顛

酒淫蠱惑作罪愆墮落世網縛塵緣受河流轉業火燃
猗公淡泊其得天泛々乘世如虛船精神采色照四筵
老鶴飲露夜不眠戲咲中有第三禪淨不著水花如蓮
酬酢不停奚敏旃賦詩馬上橫多鉅不放祖生先著鞭
北方灸熯自古然其力十百倍凡鈞功成不祇飲中仙
是非寄君時

一或以為是一或以為非是非如環中畢竟無窮時汝
唱我其從嗟我亦何為
自然

皇天典下民實亦付自然禍福與是非日夜相推遷譬
猶泥在釣隨分有醜妍醜非其所惡妍非其所憐彼憐
我不知方知樂其天

行西域

吾將行西域曲指計日月汝來今幾時已卜錢塘別吾
衰况多病苒々髮已雪安能久去汝漫自投羈紲田園
苟可飯聲利非吾屑與汝歸去來相看至耆耄蒼茫尚
無埃空復愁如結

漢上謁劉執中

塵土能汚人有如衣匪澣驅車出闔閭縱目盡江漢漁
舟汎青雲蕭洒鴈為伴蘆花如飛雪時逐風散漫可憐
獨青人憔悴行澤畔

荅君時用前韵

振衣近滄浪聊以垢膩澣仰看冥冥鴈蕭蕭在雲漢吾
今寡所合爾獨為我伴蕩舟汎江海四顧畏汗漫君看
水中坻不是無邊畔

口占和君時

吾生有窮通吾志不可衰飄飄如浮雲富貴我何為我

今樂不淺我歌爾其隨譬猶長者家畜聚不可訾怡
任天真何害為憇人惟學不學高下成雲泥是非惟
所求萬物豈我私君看鑒中明不隱媮母媮君病本自
無我藥奚所施惟作日新銘與汝同為規

菊苗二首

重陽黃菊花零落無有微陽動淵泉嫩葉出枯朽青
好顏色寂寥霜雪後物理如轉環開花豈其久
物理如轉環昔止乃今有眷言籬邊菊根葉未終朽盛
衰各一時何足競先後彼花以無情能並天地久

採葵

古人採薇蕨我亦愛斯葵能隨朝陽傾不為秋露萎烹
調戒中厨聊以燕母慈拔根取蕪名未愧魯公儀

葵

陰風號暮景零落悲晚秋絲絲彼芳薺鬱鬱此中丘作
甘豈不珍冒寒不為柔薄言擷以歸呼奴具晨羞

途中和君時二首

相望不相見一步一回頭况汝將有遠前之正悠
壤去宛葉星躔近斗牛不知明定日何以解我憂

聞君欲脂車輾轉睡不安憂心頑如石百計不可寬
鳩祇在桑歸鴈乃雲端一瞻百嘆息強飲終無慳
行後

行々重行々我後幾時休春風不相饒塵土滿敝裘人
生能幾何乃有千歲憂須知一樽酒可勝萬戶侯

南陽

復爾行南陽興言涉清漢日晴川谷明風靡花竹亂遙
瞻萬山麓近眺樊城岸南北有化離令人感鴻鴈

途中

一日復一日悠悠竟何之萬物但此理百年能幾時墨
翟悲已悞賈生哭奚為可憐日月輪日夜爭東西

早起

客心不能休未曉輒欲起耳凍南山風衣冰北溪水捨
我一息勞先行十餘里因知人之學患不勉旗爾

鄱陽先生詩集卷之一

鄱陽先生詩集卷之二

彭汝礪器資

古詩

昨日餞趙教授行會飲秀楚堂晚徙櫻桃花下夜
月上正夫設燭于花上光明焜耀昔所未見正

夫因約賦詩

夜涼月色清如水天靜無風塵不起移酒近花坐明月
畫燭橫斜插花裏月寒燭艷花淡薄意思相疑不相似
一下一高搃能見半白半紅渾可喜時有幽香暗着人

更分踈影低臨水密成雲霧即成陰團作珠璣看結子
異時尚擬與君醉景物更作今日比富貴功名是底物
人生百年行樂耳

再用前韵二首

朝日薰酣晨露洗中林入夜幽香起燭與花明月影中
月和燭照花陰裏光華混雜不可認刻畫難工難比似
燭偏月下花亦別踈影橫從俱可喜使君白頭衰久矣
空惜流年去如水作詩與花雪羞恥多才自屬佳公子
青春九十今能幾不當祇作常時比莫令俗事一關心

可厭浩歌頻到耳

夜色清如水洗新月上燭明栖鳥起灼灼其花散成綺
僂翁岸憤光明裏公明如月非如燭文華亦非花得似
安危自以天下任故與衆人同咲喜手折芳枝嚼紅蘂
臨池想濯滄浪水芳菲肯付遊人醉知公愛民一如子
月盈易窺花落易直須催促公排比公看光陰去無止
歛如白駒過隙耳

次正夫登沛中歌風臺

屹々泗上城隆々沛中臺登臺不見人祇見山崔嵬高

祖湯武資神明天所開
乾龍已飛躍屯馬更遭
迴倒戈與天旋萬國俱
子來西楚殪封兕東齊
蕩纖埃任使雖故人蕭
曹亦賢哉功成思猛士
樂極自成哀如何古之人
懿德乃所懷

次正夫相寄佳句

朱橘大可圍白魚濶盈尺
掀林擷葩花艷岸披的皪
我酒清且旨于烏餞佳
客鴻飛不知遠日暮寒
雲碧回瀾抵如昨不見
舟行跡寄詩何道麗若
見好顏色遙想翰墨揮
波濤瀉胃臆維纜遠林
外坐看晨風翼萬物歸
一

致知公無不造人之與天地同是為形後

次正夫宿留侯廟韻

龍飛景雲從林茂衆鳥息
真人翔灞上多士生王國
留侯豪傑士乃獨為其得
韓亡竟不法漢危愈厲策
不見馬上功奚多幕中畫
眇焉視嬰布若數百與億
鴻鵠已高飛翩然斂歸翼
堂之高皇業屹立如磐石
始卒如公者是不慚廟食
載瞻水邊祠老檜寒更碧

次正夫途中懷親韻

動靜非兩途久勞逸更好
開門白雲婉々出山嶠
身閑

亦已樂言念親及菴豈無青精飯每食終不能鏡中髮
如漆一夜成素蓀言歸采其蘭堂北種萱草日以五鼎
食不如綵衣老我今無此樂感泣形已稿日夜思故鄉
款眠夢郊保看

次正夫途中蔬食韵

昔未與公遊同志不同居我寵居鳳掖公名專石渠
醴賜上尊膏糴給天厨彭城作逸客事胡越殊尚慚
素餐詩苦畏城巨書豈能萬錢食謬駕雙輪車時置
杯盤登眺隨所如公行遠在野乃至歌無魚人生一在

間百年實斯頃無所不可安何獨貴紆朱飲河惟滿腹
奚欠亦奚餘備詩促公歸去直承明廬

正夫臥病予往謁之正夫置酒因作是詩

來問清漳煩置東武酒敬窺石窠君愛始士衡母大論
窺道與禪關盜深叩是非棄糠粃直與造化友人游于
一世萬事俱非偶養疾先息念息念他何有此言乃良
藥不在歧石後匪日從公游徑醉須五斗病

再用前韵

從公飲輒醉德非醉酒噬骨易子教義應容拜母歌

聲清以長發在金石叩予非多聞者或似直諫友身世
飄流並形神條達偶萬事實一夢奚止亦奚有是非可
姑置試俟千載後但願酒不空何庸印如斗

和君時十章三四句

猗彼君子篤志乎道之云遠予焉慥之猗彼君子克
誠其身匪祿是榮日以養親孰違孰從曰我從義孰去
孰與曰我由禮溫清匪偕云如之何得彼失茲得失孰
多吾斯未信吾嶺之厚重輕惟法于尔何有尔旋尔車
不知其期我陟其崗祗益我思凡人逐物其力則倍苟

知其養是用無悔無悔無尤是則養親尔慎旃哉以樹
母心為山一簣惧乎或止道之云遠曷云其已我田我
田以遲尔歸何速于行姑樂我私

寄君時四章三四句

我脂我車陟彼高岡母也我懷匪居或忘我汎我舟汎
彼大江母也我憂食匪或皇我池有魚亦可以羨何必
鮪及魴叔兮其歸哉我田有菽苟可以食何必稻與梁
叔兮其歸哉

一章章四句二章章三句二章章五句寄君時

我治斯何曰治我身我事斯何曰事我親我學未信乃
先從仕孰云乎自治我親老不知乎養志孰云乎善事
嗟予季言以訊予有詩有書是足與居叔兮其歸與
嗟予季歌以啟予有田有廬亦可與叔娛兮其歸與
載

送審和仲六章之四句

我思古人克誠其心如陟于高如臨于深我處于中而
舍其偏我棄其粃而取其全勿謂道遠我至之難我勇
以前人孰我先勿謂過小我姑為之千里之差始于毫
厘勇兮勇兮子我所器子誠不已我今所畏子能我取
我誰之匿子銘于盤以視朝夕

寄君時四章章四句

春之日予侍親遊采菊苗以歸念我弟之未見也因寄
是詩為我灌我園有采之心予以擷之既有且多我遊
我庭有菊之苗予以芟之既旨且時我思昔人亦采其
薇我所安樂奚愠其微仲兮仲兮曷日汝偕以事以將
以慰予懷

元祐元年十二月庚子雪牛首土湖結冰鶴鷄群

集于上者至不可數感而作是詩也

宛彼鵲鵲其樂孔群彼類維何而有若于仁兮宛彼鵲
鵲爰集于冰彼至維何而有冽其清兮宛彼鵲鵲既飛
且鳴彼行維何而有篤其誠兮一云底于誠兮

寄寧和仲二章章四句

鳳山之泉孔潔且長止而不流是不如汗潢鳳山之木
可棟大厦舍而殘之是將與荆棘而並化

送張子固詩并序

大理寺丞致仕德興張公偕先皇考執友予十六七

時從其子正父季友學明叔禮遇予厚明叔子子固
娶予作賀客畢席復入宴予時善飲寺丞公取大白
觴予厥容幾一升戲曰能復飲子魁天下曰能連三
引皆空容皆大笑樂甚予後忝竊公咲曰長者言果
信後子固有子根予見其為童兒疑然有立又見
其為太學諸生遂中第元豐甲子備使京西與子固
遇襄道及故舊連日不能去曲指當時或化為鬼或
老為叟或窮且病飢餓不能出門戶蓋無有赫然顯
榮者而予更罹憂患鬢髮斑白相與飲酒飲絕少亦

醉亦不樂無復少年時氣味因嗟嘆久之予曰凡人少不得不壯不得老不得不死不得不生猶之寒暑晝夜一往一反無窮盡此自無足怪耳惟君子能卓然自奮立不係得喪不懸貴賤雖老而聰明識慮如少壯人雖死而聲聞不止如予之昏溺不肖乃怵于所養竊食苟祿終恐不能免與草木並腐朽雖然敢不勉子固少予五歲嘗薦開封根仕即不復言進取其志落然自奮立者是不難亦勉之而已子固曰予敢不承人曰吾邑公所遊吾父後徙居吳園稍有臺榭池沼之好閣曰詒謀堂曰聚經曰至樂曰集唐軒曰覺亭曰山曰觀德曰思賢曰紫筠曰藻雪臺曰四并池曰四曲皆欲乞公詩某曰德興山水之勝予遊最舊且數不至今十餘年矣其登臨之樂往時見于夢寐其發于篇章者多矣今所賦何辭詒謀聚經子固更名予命曰燕閣曰書堂蓋名簡而理無不在云正父諱汲終大名府判官季友名頊終殿中丞淮南西路提舉常平廣惠農田水利等事明叔諱潛子固名磐根今為臨江軍司理叅軍

吾少飲酒不知數有如長虹吞百川老來畏酒飲輒醉
百事一無如少年瘦脚跟蹌走病鶴吟腸悲壯啼寒蟬
夫君尚勇不宜怯急上青雲宜著鞭

吳園雜詠十九首

布衣兩韓誅國奪名亦隕芮王獨以正百世榮如近至
今園中草欲踐猶不忍

右吳園

高閣高入雲倦鳥視罔阜老來更無事賓至但飲酒陰
功在其鄉更足燕爾後

右燕閣

藐視一羸金獨藏五車書高堂見古人其樂亦只且以
此燕子孫吾誰數陶朱

右書堂

室虛即生白惟道惟集虛詩書掃塵迹仁義外蘆廬形
心亦亡萬物同一如

右集虛堂

本覺不見覺大夢非是夢覺夢非覺其歸理則共兔
魚亦既得筌蹄視無用見一作為

右覺軒

飛簷截山出碧瓦
貼雲齋水靜見魚
樂竹深聞鳥啼春
風花落虜誤認武
陵溪

右山亭

男兒厥生時弧矢
射四方茲禮古所
重嘆嗟今已止典
章可披尋君試行
一鄉

右觀德亭

大風無邪聲積雪
不改色根方為龍
去實擬待鳳食一
日有不見恍如三
歲易

右思賢亭

青竹老出籃紫竹
嫩施粉樂彼奇節
並歲寒不彫隕言
如拾芥者設意毋
乃近

右紫筠亭

塵土能污人譬如
衣匪澣窺臨得清
曠其去已太半不
必濯滄浪神明自
還觀

右澡雪亭

時將景共好物與
心相投曠覽盡萬
物分明一浮漚此
臺無不并樂只臺
上遊

右四并臺

大池方如矩小池曲如鉤方奚避汙辱曲不擬公侯時
傍白蓮葉獨行青翰舟

右四曲池

枝幹上參天長松不枯槁朱頂雪衣裳仙鶴顏色好主
人一千歲似此一作松鶴老

右眉壽堂

徙竹種前林栽松滿幽島主人無所憂不用植萱草吐
納奚所事忘憂自難老

右忘憂亭

秋月如秋水瑩徹萬里流我欲挹其清登彼百尺樓隨
時有佳趣不但是中秋

右秋月樓

多稼為豐年觀言亦云樂秋雲滿原隍漫不知厚薄帝
力彼焉知陶然飽耕獲

右觀稼亭

衆人貪狗財種利不種德誰如人之心白首能戒得以
此風里閭貪競當自息

右戒得庵

豈不有春華不如秋後香
紅紫不禁風黃花耐雪霜
幾時登其亭采了沈彼觴

右秋香亭

衆山走蜿蜒高閣立崔嵬
流水橫其前時有薰風來
聊可解我愠敢言阜民財

右薰風閣

晨起祠先農道中

更闌燭花低呼僕起視夜間
夜如何其露落月未謝皇

帝共神明朝燕或為罷多儀
禮有敬少怠刑無赦今茲
先農饗上意在耕稼駕言
技明起不敢私安暇馬蹄踏
冰雪霧露濕鞭馬寒林月中
影十里開圖畫燈火望壇
場冠裳出次金鉶洋響金石
馨香紛彛彛百年禮樂中
萬事無雜霸昏冥久塵土
今日聞韶夏心知至誠通自
可膏澤下清風有菽麥密桑
柘人家實倉稟得以時婚嫁
四夷共安富兵偃祭類禡山
川百神寧天子樂二假敢後
秋冬報還見擊鼓御顧予真
缺然何以滿鐻尚堪逐農樵
擊壤歌聖化

自吉汎舟入顛

我行欲從車好風苦相招謂言困行後歎此道路遙駸
駸四駱馬終日在岩堯簿書更追隨精耗髮欲焦乃復
泛栢舟錦幔蘭為橈是時春始和暖風秀 蒼彼柳已
青 彼桃已夭 王事敢不修我飲歌且謠彼不知之
者謂我士也驕不知非所知我茲以道遙

胡鷄

秃鬣胡鷄色如玉頰拳突起深其目鼻頭穹隆脚心曲
被裘騎馬追鴻鷄出入林莽乘山谷陵空絕險如平陸

臂鷹緹犬紛馳逐雕金羽箭黃金鏃爭血雉兔羞麋鹿
詭御得禽非我欲莫怪小兒敏捷強老宿胡人以此為
風俗

六月自西城歸

駕言將西征呼僕問行李吾行無所苟雖遠親則喜癡
兒不知事飲血液如水憶昨唐許邊逋逃聚蜂蟻巔崖
寄巢穴絕險不可迹撲滅無先幾捕督誤詔旨是時寡
妻病吾計或可止君曰無妄私促裝勉行矣妾病雖云
漸姑慈有足恃是身如浮雲永訣或此始一馬終登途

渠魁掛市猶虞未寧歸走計忽在耳羈栖二十年梁

肉飽有幾單車行四方歲月幾萬里私居乃如寄方此

還之彼愛君能知分嗜苦同甘旨誓欲相厭成完百無

一豎中流即我棄我恨無涯淚家貧未能去顧惜尚壯

齒含愁復孑行嗜祿祗自鄙悠々涉清漢欲往轅更托

滄浪照顏面不與舊相似蓬髮生雪霜鳧胸點泥滓驕

陽恰中復早魁方哆侈山川惜陰兩我稼病未起高堂

蔽重簾捉扇衣屨褫乃茲趨長途登降適荊窺簡書况

有限暮晚未擔弛山名初外朝岌業起衆歸自均州入山名自外

朝始其畧可記曰外朝大姨干平大小雞鳴馬息八疊

土門悔來方城羅巔長遥端起霍山呼嶺龍泉燕子句

平磊石女媧最為高且遠共他不可勝數

而女媧最為高且遠共他不可勝數

擾誰經紀濫觴一拳多縵構五丸累蛟龍跨鴻濛殿閣

聳環礪或植如劍戟或覆如釜錡或視而錯愕或行而

迤邐或大而無當或立而不倚干平七峯老秀拔匪衆

比耆舊今所貴賤言但擊蹠馬息聯八疊接樓看岡此

藍輦勞攀牽卒餓弗克仔肺聲幾成雷背汗欲濡軌吾
疲尚能徒步驟托杖履豈不有林木日晝方如燬曉行
怯霧露夜涉愁虵虺屋頽菱窮閭魚餒飯乾米田功微

梁稻圃學蕃麻集截筒戶割漆刺楮人抄紙千楓立青
真萬竹秀披靡時得流泉濯漑移日晷清音有可樂
往中宮徵孰謂彼房陵千家住清此神仙隱九室綽
約如處子安眠費春秋官爵棄敝徒寶公浮杯來晏坐
有舊址甘雨隨衆緣凶年作蕃社欲遊嗟不遑悵望祇
懸企東西更多山小大或億種未經夏禹鑿想待愚公
徙橫梯險相聯曲棧危半阨避就為俛眉循緣或顛趾
女媧高第一僅去天尺咫黎明登其巔星宿可俯視扶
桑出曉日洞徹表裏丘陵雜蕭粟草木浮糠粃補天聞

故老豈或有此理天之于空虛一大器而已物或有不
完補之非天恥酒觴荐明誠感嘆至橫涕晉停鄙媯墟
欲至更迤邐烟嵐相薰蒸閻黔常及已雜民久薰陶頑
吏傲鞭箠令人愧滿面虞舜昔居此商洛不十舍怒烏
想黃綺奔馳浪南北俛俛慚祿仕紛々昨夜夢慈母倚
門羨願騎雙鴻鵠更挾四隸駟言乘溪上舟出宿城邊
址峯巒欲飛去峭拔陵天委神奇雜鬼怪巧絕非剝削
龍盤秦世松玉滴堯時髓波瀾雜霧莽蒼在隱几平
生貪幽勝短槩行復艤一灘復一磧却望無首尾

自漢陰至

襄離名可記者
凡百九十五
大作十虎兕衝撞非雷霆震蕩岸欲圮鼃鼃不能游蛟
娠得所慘懸流落千仞急病過發矢浮生真如葉轉足
見生死篙工相號呼熟視但如砥興予且從陸厥計亦
非是吾生自有分纖悉不在已緬思濠上魚載顧山梁
雉未能脫韁鎖可恨譏鑪錘孔臥弗煖席禹行尚秉搨
所慚一無補虛冒恩私被夜涼泛明月不寐對瀟灑鳳
林莽何處草木秀蕤々搓頭縮項鱗不減河魴美習池
今可遊樽酒惻勞只鴻鴈香未來將詩寄雙鯉

寄君時

豈不有性靈稍可學操縵公私足憂責耗蠹幾大半馳
驅寢食廢真自殘軀幹叔兮識至理真偽不可亂讀書
老不輟夜坐頻連旦特立無倚著剛嚴實予憚歲時有
多少每復愁分散顧瞻鷓鴣飛俛仰發浩嘆安得桑麻
田穀粟粗可飯晨昏侍萱堂綵服何繇々箴切庶寡尤
詩書恣娛玩相從不相離如彼鴻與鴈

觀畫

少時馳車走四方馬跡
遍無邊疆北踰崦嵫薄扶桑

遠陟羊腸上太行，歷參涉昴捫亢房。
蕩舟溟渤浮河漢，五湖彭蠡窺沅湘。
蛟龍出沒鱗鬣蒼，大浪震疊鍾鼓撞。
怒蜃結搆珠瑤光，游魚鱗鱗鱣鮪魴鰈。
勃沉浮旅鷺鶴，大鵬一飛凌鷓鴣。
中林荃蕙雜蘭菖，妖紅漫綠艷靚粧。
回溪曲覆秀筍管，老松怪栢號風霜。
挂丹楓，赤楠抽黃，閨風仙人醉瓊漿。
前旂虹蜺騎鳳凰，雲臺曲壁絡奇璫。
縹緲天梁非宮商，我欲從人匪暇遑。
昨朝圖畫紛開張，睥睨舊遊心恍惚。
南嶺赤日西玄霜，愁雲不開兩雪雱。
變化倏忽無經常，隆樓傑閣鬱相望。
遠峯截窠挿彫梁。

商人騎馬兒牧羊，牛車魚艇浮織芒。
蒼鷺無聲浴滄浪，熟視却顧疑騰矐。
驂騑奚為棄路傍，骨骼雖老終軒昂。
重陽籬菊開煌煌，怪見托杏爭芬芳。
梅花一枝忽自折，半髻鬢聞幽香。
文陞網戶綠綺窓，中有美人豈娛媿。
流珠蛺蝶金夾一盼，少年猶斷腸。
蓬萊宮中日月長，丑界兀幾災涼。
悠悠彼樂未遽央，碁局未知誰子強。
龐眉老僧坐道場，手提拂子據繩床。
似達至理言慮亡，惟我知彼真荒唐。
乃知畫工非其良，倒置高下翫陰陽。
鬼神醜怪不能藏，咫尺千里無準量。
屈折海岱留縑緗。

物象涕泣愁斧戕貴家欲得心奔忙背錦軸玉紅綈囊
君亦愛之未能忘苟不溺心奚所妨我今與公陟高岡
坐視四海超忽荒圖史羅列耀文章前有虞唐上羲皇
左右孔孟從莊揚朝莫見之心肅莊議論興廢評否臧
卑陋不肯數漢唐廣莫之野無何鄉我與子樂奚其將

荅蜀公謝寄酒

彼酒孰為之湛然若天成為之非草之織悉中度程其
香似幽蘭色不減瑤瓊采之白菊花亦酌潭水清潭水
取之源擇菊廢枝莖我將饗明神乃獨以其精千里馳

寄公非將解公醒祝公百年壽多益不為盈想公初飲
時瑩徹顏微頰幽吟倚嵩石緩步倪層城爰聞在陰鶴
載笑出谷鶯我聞至人心萬物莫足嬰存止漫憂喜泛
然若無情此理公得之奚或醪醴并

方城與君時相別遇雨因寄是詩

五更赤晴平旦雨愁雲不開風勁怒霰電夜落大如茅
日月不出愁如兔足曰嗟予季行後道阻且修日云暮
泥深一尺水交注僕肩不任馬蹄駐一車十牛不能御
晨征忽之立乘遽恐汝悲啼不還顧昔知為快今知誤

恨不赭陽一月住人生百年惟所遇曲折萬變皆歸數
乾坤與人同寄寓擾之眼前皆細故慎勿動心悲景露
九阪玉陽猶叱馭平明天晴卷雲霧驛駒安穩行道路
一日千里如跬步

我行

我行日不休行亦讀我書朝為忘機鷗夜作不瞑魚日
月雙跳九乾坤一蘧廬而我于其間擾之亦自如

離家

離家一千里十日不得書不怨天上鴻祗恨水中魚我

行穀伯國明日武侯廬慈親髮雪白安否比何如

遊峴山

去年冬少雪二月春始晴南遊峴首山東下石頭城搽
藍染江水爛錦貼園英幽亭一杯酒不用千載名

叔子祠堂

不折亭下栢不採山上石羊公昔茲遊千載人愛惜焚
香荐卮酒一拜三嘆息却泛峴水波汪洋感餘澤

恒河

恒河世界浮漚上漭之衆生久流浪老蚕作繭祇自纏

枯木生虫不相放止，靈泉風震蕩昭，惠日雲遮障
却語諸人莫惆悵煩惱著提同一相

舟行

莫打槳打槳驚鴻鴈鴻鴈不慕魚蝦賤暮宿江湖盡雲
漢我不見之其心亂莫鳴榔鳴榔鴻鴈飛鴻鴈不是鷄
鶩兒我不見之心孔悲

送君時

思親一日如三歲去家十舍如萬里投明叔也歎別我
枕上聞鷄淚如洗丈夫蓋棺事則已君雖白髮猶壯齒

奚慚折腰五斗米三釜及親胡不喜弧桑蓬矢射四方
男兒生來志如此

高陽池

駕言之石城奚至高陽池是時春始和池水生渺瀰徒
能躊躇顧不及醅酌歸令人憶山翁倒著白接羅

谷隱寺

樓臺寄山巔屹々與雲登臨覽昭曠感慨發悲悽西顧
隆中廬北睨漢陰畦願言脫樊籠超然此幽棲

白馬寺寺有龍池

老龍挾神機變化無拘攣大作四海水斂為一泓泉白
露泛素液黃金折嘉蓮樂哉襄人歲，無凶年

春風破窮陰

春風破窮草木爭秀發紛敷作錦繡晃耀映霜雪我行
縱披賞欲帶羞白髮相看一杯酒聊以酬佳節陰

寄十二十四弟

有弟有弟各一隅萬里不見徒嗟吁江湖春色又歸矣
庭檻花枝還有無欲寄我聲無鯉魚欲寫我恨無酒壺
開編一見鵲鷓詩潛然淚落如真珠

秋風

晚來雨霽秋風顛驚我枕上清晝眠四林荒涼好景氣
萬里掩靄皆雲煙乳鳩深藏叫苦竹蒼鷗欲起摩青天
花枝柳葉便彫隕山上松筠逞儼然

武岡路中二首

朝行黃茅岡暮宿黃茅驛一岡復一岡岡岡如絡繹一
驛復一驛思親頭易白何時自此還行李兼晨夕
復嶺重岡煙靄深晚年多病覺難任他鄉一日如三歲
路遠家書抵萬金流水可憐君未息白雲誰似爾無心

天寒日暮雙飛鳥
寂々歸棲只舊林

鄱陽先生詩集卷之二

